



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatvs De Regimine Ecclesiae Episcopalis In Octo Libros Distribvtvs**

**Antonelli, Giovanni Carlo**

**Velitris, 1650**

An in alijs casibus, Regulares iurisdictioni Ordinarii subijciantur. Cap. XIX.

**urn:nbn:de:hbz:466:1-11401**

sius; tum etiam quia Episcopus regulariter non potest exemptions carceri mancipare, ut in clem. en. 9. nonnulli de Excess. Prelat. nisi forte timeatur de fuga Religiosi: tunc enim possit Episcopus ad capturam denire, ut d. Fusi de Visit. lib. 2. cap. 8. num. 8. Rodriq. qq. canon. & regul. 2. q. 63. ar. 7. vers. tertio insertum. & alij apud Barbos. d. par. 3. all. 105. num. 64. Lozan. in Sum. to. 1. cap. 16. nn. 26.

7. Obseruant 3. decretum Concilij d. cap. 13. habere locum etiam Regularis in propria ecclesia notoriæ, & cum scandalo deliquerit, ut censuit Sac. Congregatio teste Barbos. d. par. 3. all. 105. num. 20. secus si intra claustra delinquit: tunc enim punio pertinet ad Superiore monasterij cap. 1. de Privil. in 6. & censuit eadem Sac. Congregatio: ex quo inferunt DD. apud Barbos. loco cit. quod si Regularis ita delinquit intra claustra, ut delicti rumor extra claustrorum metas excus generet in populo scandalum, non propterea potest ab Episcopo in casu negligentie Superioris Regularis puniri; nec potest hoc casu instare Prelato, ut talē delinquentē puniat, quia hoc delictum non est commissum extra claustra; idem esset, si delictum committatur in Ecclesia clavis ianuis Ecclesiæ, &c solis Regularibus in ea existentibus; quia neque tunc censeretur commissum extra claustra, ut censuit Sac. Congregatio apud Sperell. d. decr. 33. num. 15.

8. Vtim obseruant, quod alij exempti à jurisdictione Episcopi delinquentes extra locum exceptum regulariter ab ordinario immediate puniuntur, si delinquent in Diocesi ipsius ordinarij iuxta decretum Concilij Lugdu. relati in cap. 1. de Privil. in 6. nisi forte priuilegium concessu fuerit cum expressa derogatione dicti Concilij, ut d. gl. & DD. ibidem vel adeser consuetudo immemorabilis in contrarium, ut censuit Sac. Congregatio Concilij sub die 27. Junij 1626. teste Ricc. in Prax. for. Eccles. par. 4. ref. 107.

S V M M A R I V M.

1. Enumerantur alij casus, in quibus Regulares puniri possunt ab Episcopo. & n. seq. An Inquisidores procedere possint contra Apostatas à Religione, ibidem num. 4.

Mulieres ad habitum tertij ordinis admittenda non sunt, nisi cum licentia Ordinarij, & à quibus predictæ mulieres abstinere debet, ibidem n. 14 & 15.

### C A P. XIX.

An in alijs casibus Regulares jurisdictioni ordinarij subiçiantur.

Lures alij casus à Doctoribus referuntur, in quibus Regulares ab Ordinarij locorum puniri possunt: nos vero

verò notabiliores hic recensebi-  
mus. Primo igitur potest Epis-  
copus animaduertere in Regu-  
lares, qui absque habitu incedunt  
extra monasterium, ut dicunt  
DD. apud Barbos. de offic. & pot.  
Episc. par. 3. all. 105. num. 61.

Secundò ex decreto Concilij  
Tridentini sif. 21. de ref. cap. vlt.  
Ordinatij locorum possunt pro-  
hibere Regularibus, nè incon-  
fultis ipsis ordinarijs indulgentias  
de nouo concessas publicent in  
eorum Ecclesijs, ut censuit Sar.  
Congreg. teste Bonacio. de Censu.  
in partic. disp. 2. quest. 3. pun. 30.  
num. 9. quo casu Regulares con-  
trauenientes possunt ab Episco-  
po carecari, excommunicari, &  
alijs penis puniri Zerol. in Prax.  
episc. 1. par. ver. indulgentia 3. ad  
tertium Cened. pp. qq. canon. 9. 26.  
num. 32. & alijs apud Barbos. d. p.  
3. all. 109. num. 4. posse tamen Re-  
gulares absque illa licentia Or-  
dinarij publicare indulgentias  
olim sibi à Summis Pontificibus  
concessas censuit eadem Sac. Cō-  
gregatio teste Bonacini. loco cit.

3. Tertiò, Regulares fugitiū, &  
Apostate ab Ordinarijs locorum,  
vbi moram trahunt, in carceres  
coniici possunt, siue habitum re-  
gularem deferant, siue non: de-  
bent tamen suis Superioribus  
confignari secundū regularia  
instituta puniendi ex Constitu-  
tione 26. Urbani VIII. & ex de-  
creto Sac. Congregationis Concilij,  
quod refert Lezan. in Sum. qq. reg. 7  
tom. 1. cap. 16. num. 17. Barbos. post  
3. p. prefatus de offic. & pot. opisc.  
fol. 62. inservit.

An verò Inquistores procede-  
re possint contra Apostatas à Re-  
ligione? Resp. negatiū, nisi vel  
transeat ad partes hereticorum  
cum eis communicantes, vel ha-  
bitum lacerent, peditibus conci-  
lent, vel blasphemias contra  
Religionem euomant, vel alind  
faciant contra determinationem  
ecclesiaz vxorem ducendo &c. vel  
si per annum in excommunica-  
tione persistente negligentes ad  
Religionem redire, ut tradunt  
DD. apud Dian. par. 4. tr. 7. ref. 3.  
vers. quero igitur primo, cum seq.

Quarto, Regulares sine licen-  
tia suorum Superiorum non pos-  
sunt se subiūcere obsequio alicuius  
Prælati, Principis, vel vniuerfi-  
tatis, aut alterius cuiuscumque  
personæ: alias tamquam inobe-  
diētes arbitrio suorum Superio-  
rum sunt puniendi ex Concilio  
Tridentino sif. 25. de Regul. c. 4.  
& locorum ordinarij possunt co-  
rumdem Superiorum negligen-  
tiam supplere, ut ex cap. quanto  
de offic. ordin. notat Vulp. in Prax.  
for. eccl. cap. 42. num. 17.

Quinto, potest Episcopus in-  
Regularium ecclesijs vti balda-  
chino eo tempore, quo in eisdē  
ecclesijs Pontificalia exercere,  
voluerit, & contradicentes cen-  
sus, & penis cogere ex decreto  
Sac. Congregationis apud Vulp. d:  
cap. 42. num. 18: Lezan. in Sum. qq.  
Regul. tom. 1. cap. 1. num. 3. Barbos:  
de offic. & pot. Episc. par. 3. all. 80:

Sexto potest Episcopus coniu-  
gem inualidē professum, puta si  
absque consensu alterius comu-  
gis professionem emisit, ē mona-  
sterio



- stero extrahere, & cogers, nè detineatur, *Lezan. in Sum. to. 1; d. cap. II. num. 22:* quia in tali casu Episcopus potius exercet proprium munus, ut videlicet matrimonij iura seruentur.
- 8 Septimò tam Episcop, quam Inquisitores hæreticae prauitatis procedere possunt contra Regulares audentes in publicis, vel priuatis concionibus, lectionibus, conclusionibus, scriptis, seu colloquijs afferere, quod Beatissima Virgo fuerit concepta cum peccato originali ex decreto Pauli Quinti & Greg. XV. apud Barbos. de offic. & pot. Epis. par. 3. all. 105. num. 58. & 59. vbi etiam subdit, quod fratres ordinis Prædicatorum in priuatis eorum colloquijs seu conferentijs inter se dumtaxat, & non inter alios, seu cum alijs de materia eiusdem Conceptionis B. Mariae differere, & tractare possunt ex constit. Greg. XY. incip. Eximij, atque singulares frustus.
- Obseruat etiam *Lezan. in Sum. qq. reg. tom. I. cap. 10. nn. 12.* quod afferentes uegatiuam opinionem, videlicet quod non fuerit concepta cum peccato originali, aliam opinionem impugnare, aut de ea aliquo modo agere, seu tractare non debent: alias ab ordinariis locorum, & Inquisitoribus, etiamsi Regulares excepti sint, puniuntur ex decessis dd. *Summorum Pontificum.*
- 9 Octauò Episcopus Regulares die Sabbathi maioris hebdomadae campanas in ecclesijs suis pulsantes, antequam campana Ca-
- thedralis, vel maioris Ecclesiæ pulsetur, punire potest poena ductorum 100. vñ in Constitut. 17. Leonis X. incip. Sacro approbante Concilio 5. & vt debitus, quam resert Barbos. d. alleg. 105. num. 79. & censuit Sac. Congregatio apud Vulp. in Prax. judic. cap. 42. numer. 15.
- 10 Nonò tenentur Regulares servare interdicta ab ordinariis promulgata in Cœc. Trid. off. 25. de Regul. cap. 12. Clem. 1. de Sent. excom. vbi non seruantes ipso facto excommunicantur: dicit tamen Ricc. in Prax. For. Eccles. parte 3. ref. 250. hoc esse intelligendum de interdictis generaliter latis, nō autem particularibus; quia Episcopus non potest particulariter interdicere ecclesiam exemptam.
- Addit *Lezan. in Sum. to. 1. cap. 9. num. 29.* quod tenentur Regulares huiusmodi interdicta servare, siue sint valida, siue non, quando ea obseruat Cathedralis, matrix, aut parochialis Ecclesia.
- 11 Decimò Regulares, qui extra loca, vbi eorum monasteria existuant, elemosinas querere voluerint, tenentur suorum superiorum licentiam ordinario ostendere ex decreto Sac. Congregationis Cœciliæ apud Barbos. d. part. 3. all. 105. num. 51. & all. 109. numer. 10. additique Sperell. dec. 38. numer. 29. quod potest Episcopus prohibere, nè prædicti Regulares elemosinas querant absque eius licentia, & contravenientes possunt ab eodem Episcopo carcerari.
- 12 Undecimò administrantes bona

ad

24 Monasteria monialiū etiā Regularibus subiectarū pertinentia, sive seculares sunt, sive Regulares, Episcopo loci adhibitis etiam superioribus Regularibus singulis annis rationes administrationis, gratis tamen exigendas reddere tenetur, ad idque iuris remedij, ac censuris ecclesiasticis cogi, & compelli possunt: licetque Episcopo ex rationabili causa Superiores regulares monere, ut tales administratores amoueant, ijsq. Superioribus id facere detrectib⁹, aut negantibus, potest Episcopus prædictos administratores amouere quoties, & quando opus esse iudicauerit ex Constitutione Greg. XV. incip. Inscrutabili, quam refert Vulp. in Prax. iudic. c. 42. n. 28.

25 Duodecim⁹ Episcopus punire potest Superiores, & Prælatos regulares, qui Religiosos alterius ordinis etiam laxioris ob iurgia, contentiones, leuitatem, vel malefacta fugientes recipere, vel retinere præsumunt ex Constitut. Pij V. incip. Quocunque, quam refert Barbos post 3: part. tractatus de offi⁹ & potestat Episcop. constit. 20.

26 Decimoterti⁹, Mulieres, ad habitum tertij Ordinis adminis⁹ abstinere debent a velo supra caput, a pectorali, & a patientia, alias si hac tria, vel horum aliquid deferre deprehēs⁹ fuerint, ad illa dimittenda etiā per censuras Ecclesiasticas ab ordinarijs locorum possunt compelli ex decreto Sx. Congregationis Episcop. & Regulayd Lauor. var. e-

Iucubr. tit. 2. cap. 11. numer. 103. id autē mulieribus Tertiariis ideo prohibitum fait, né videantur esse Moniales, ut d. Lezan. in Sum. tom. 2. c. 14. n. 40. vbi etiam notat, posse Tertiarias Ordinis Carmelitarum deferre patientiā non quidem eo modo, quo Fratres, ac Moniales Ordinis, sed breuiores, & strictiores: quia prædicta patientia est habitus proprius dicti Ordinis.

27 Notandum est etiam, quod ad dictum habitum non sunt admittendæ, & recipiendæ, nisi mulieres probatae vita, ac bonis moribus præditæ, atque in ætate saltem 40. annorum constitutæ, quæ de proprio habeant unde sufficienter vivere possint: præte rea requiritur licetia Ordinarii, quæ non aliter concedere debet, nisi de prædictis prævio examinæ diligentí sibi constiterit ex dicto decreto Sacra Congregat. vbi etiam prohibetur, né prædictæ mulieres cum aliis viris, quam cum consanguincis, vel affinibus in primo tantum gradu sibi coniunctis cohabitent.

28 Decimoquarto, possunt ordinarij in casib⁹, in quibus habent facultatem visitandi Monasteria Regularium, excommunicare eosdem Regulares visitationem, impeditentes etiam non adhibitis monitionibus in ipso actu manifestæ violentiæ sibi illatæ, ut d. Ricc. in Prax. for. Eccles. part. 4. ref. 577. vbi etiam addit, posse eoru dem ordinariorum iussu portas frangi, si Regulares illas claudant ad effugiendam huiusmodi visi-

tatio-

tationem.

- 17 Decimoquinto, In Monasterijs Monachorum, vbi commode fieri potest, lectio Sacre Scripturæ habenda est: qua in re si Abbates negligentes fuerint, Episcopi locorum in hoc vti sedis Apostolicae delegati eos ad id opportunis remedii compellere debent ex Concil. Trident. sess. 5. de ref. capit. 1. huiusmodi autem opportuna remedia esse excommunicationem censet Lezan. in Summ. qq. reg. tom. I. cap. II. num. II.

Obseruat etiam Rodriq. & Pererin. apud. eamdem Lezan. ubi supra tom. I. cap. 9. nu. 48. quod Concilij decreto satis fit, si habeatur lectio Theologiarum Scholasticarum, vel moralis.

- 18 Decimosextò, si ab Episcopo ante inceptam ordinationem inhibitum fuerit sub poena excommunicationis, nè quis ad ordinationem accedat non examinatus nec approbatus, vel sine litteris dimissorijs, hæc excommunicatio afficeret etiam Regulares, quia in illo actu subduntur Episcopo Nan. in Man. cap. 25. n. 72. Lezan. in Sum. qq. reg. cap. 14. num. 22. & alij, quos refert, & sequitur Barbos. de offic. & pot. Episcop. par. 2. all. 10. nu. 23.

### S V M M A R I V M

- 1 Quando Episcopus possit procedere per censuras ecclesiasticas contra Regulares.
- 2 An Episcopus possit excommunicatos declarare Regulares, qui in aliquam censuram incidunt.

- 3 Quid si Regulares Sacramentum Eucharistie, & extreme Vaccinationis ministrantur, sine licentia Parochi.

### C A P. Vlt.

An Episcopus in ijs casibus, in quibus Iurisdictionem habet in Regulares, possit contra eos per censuras ecclesiasticas procedere.



Egant DD. quos refert & sequitur Quarant. in ver. Præcedentia vers. an incasu. Vnde Valp. in Prax. Iudic. cap. 42. n. 26. censet. Episcopum posse quidem censuris cogere Regulares in casibus, in quibus in iure communis, vel in Concilio specificè datur hæc potestas, sed non in alijs: cuius sententiam probabilem dicit Lezan. in Sum. 10. I. c. 11. num. 14.

Sed contrarium Sac. Congreg. declarauit die 7. Februario 1633. videlicet, Episcopum posse etiam sub censuris ecclesiasticis compellere Regulares in ijs casibus, in quibus in eos illi tribuitur Iurisdictione iure communis, Sac. Concilio, ac constitutionibus Apostolicis, ut refert Lezan. in Sum. 10. 3. ver. Exemptio Regularium n. 13. & ita etiæ tenent DD. apud Barb. de offic. & pot. Episcop. par. 3. alleg. 105. n. 13.

Verū hoc non procedit quoad Regulares habentes priuilegiū, quod